



**Aningaasaqarnermut Akileraartarnermullu
Ataatsimiititaliaq**

Ulloq: 16. januar 2024
J.nr.: 01.31.06/24-01067

Aningaasaqarnermut Ataatsimiititaliap marlungornermi ulloq 16. januar 2024-mi aalajangiineranik Naalakkersuisunut ilisimatitsineq.

Utoqqalinersianut aningaasaliissutit amerlineqarneri. Tuaviortumik suliarineqartussa. Ataatsimiititaliap suliaa nr. 01.31.06/24-01067.

"Naalakkersuisut **inassutigaa**,

Kontumi pingaarnermi 31.03.08 Utoqqalinersiat oqaasertaliussamik ivertitsisoqassasoq."

Aningaasaqarnermut Ataatsimiititaliap oqaaseqaatai apeqqutaalu

Suliamik suliarinninnermut atatillugu Naalakkersuisunut apeqquteqarnissaq ataatsimiititaliamit aalajangiunneqarpoq.

Apeqqut 1:

2023-mi inatsimmik allannguinerup kingunerisaa, inassuteqaammut matumunnga tunuliaqutaasoq, Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfiup naatsorsuutigisimangikkaa Naalakkersuisut paasissutissiissutigaa. Inatsimmi § 5, imm. 2-mi aalajangersakkap, inatsimmik kingullermik allannguinermi peerneqartup, inassuteqaatikkut ilannguteqqinneqarnissaa Naalakkersuisut kissaatigaat? Siunisami inatsisinik allanngortitsisarnissanut tunngatillugu kingunerisassat sukumiinerusumik nalilersorlugit misissorneqartarnissaat qularnaarniarlugu naalakkersuisut qanoq iliuseqarniarpat?

Apeqqut 2: Eqqortumik paasinninnerua oqaasertaliussap kingunerisaanik aapparisaq isertitai utoqqalinersianut tapip naatsorsorneranut apeqqutaataaqqilissasut – naak utoqqalinersiat aapparisaq isertitaanut attuumassuteqannginnissaannik Inatsisartut 2023-mi upernaakkut ataatsimiinnermi aalajangiigaluartut?

Apeqqut 3: Oqaasertaliussap kingunerisaanik inuit ilaat (utoqqalinersiat pillugit Inatsisartut inatsisaannut atuuttumut sanilliullugu) utoqqalinermit tapinik ikinnerusunik tigusartagaqalissappat?

Apeqqut 4:

Utoqqalinersianut tapip 51 %-imik appartinneqarnerat qanoq naatsorsorneqarsimanersut paasissutissiissutigineqassasoq ataatsimiititaliamit kissaatigineqarpoq.

Apequt 5:

Suliaq una malillugu piginnaatitsissutip 2024-mi 1. januaarimiunngitsoq 1. februaarimili atuutilersinneqarnissaanut suna tunngaviua?

Aningaasaqarnermut Ataatsimiititaliap aalajangenera

Siuliani allassimasutut oqaaseqarluni Naalakkersuisut inassuteqaataat ataatsimiititaliamit akuersissutigineqarput.

Inussiarnersumik inuulluaqqusillunga


Aasi Chemnitz Narup

Aningaasaqarnermut Akileraartarnermullu Ataatsimiititaliap siulittaasua